

REFERAT IIIA - Isumaginninnermut Inunnullu Innarluutilinnut Ataatsimiititaq d. 12-09-2023

Mødedato Tirsdag d. 12. september 2023 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Utoqqaat Illuannut Sulinermik Nakkutilliisoqarfiup peqqussuteqarnera.....	6
Ulloq unnuarlu paaqqinnittarfimmut inissiinerup allanngortinneqarneranut akuersissut.....	10
Ingerlatsinermik nakkutilliartorneq pillugu ilisimatitsissut.....	12
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit.....	15
Inuit innarluutillit sullinneqarnerat aamma inunnik innarluutilinnut sulisooqatigiit ataqatigiissaarisa	18
Kommuneqarfik Sermersuup aamma Københavns Kommuniata akornanni illoqarfittut ikinngutigiit	21
Taasariaqartut allat.....	24
Imaqarniliap akuerineqarnera.....	25

Punkt .: Saqqaa

Ilaasortat

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Harald Bianco (IA)

Poul Petersen (D)

Mala Høy-Kúko (S)

Beslutning

Peqataasut

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Poul Petersen (D)

Attaveqaatitigut peqataasoq

Mala Høy-Kúko (S)

Peqataanngitsoq

Harald Bianco (IA)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ingerlatsivimmiit nalunaarutit

Oqartussaaffeqarfik

Septembarip ulluisa 15-ianni René Kvist oqartussaaffeqarfimmi pisortatut atorfinissaaq. Inatsisilerituutut ilinniagaqarpoq Nukissiorfinnilu atuisunut pisortatut misilittagaqarluni. Ingerlatsivimmi tikilluaqqunissaanut qilanaarpugut.

Inunnut innarluutilinnut aamma Tarnimikkut nappaatilinnut Immikkoortortaqarfik

Inunnut innarluutilinnut sapaatip akunneritinneqartumut atatillugu Inunnut innarluutilinnut aamma Tarnimikkut nappaatilinnut Immikkoortortaqarfimmit siorna suliniutaasoq aallutiinnarniarneqarpoq, tassa najugaqatigiiffittut neqeroorutini najugaqartunut sapaatip akunnerani 41-miinnaangitsumi sapaatilli akunnerini sisamani aqqissuussillutik. Najugaqatigiiffittut neqeroorutini ataasiakkaani najugaqartunut ataatsimut aqqissuussisoqarluni aamma sapaatip akunnera 41-mi tallimangornikkut OCN pillugu aqqissuussisoqarneratigut. Nutaatullu aqqissuunneqassalluni illoqarfimmiunut ersinngitsumik innarluutilinnut ammasumik aqqissuussineq.

Siulittaasumiit nalunaarutit

Ulluni 10.-15. September 2023 ataatsimiititamiit Ittoqqortoormiunut angalanissaaq taamaatiinnarneqarpoq.

Punkt 1: Utoqqaat Illuannut Sulinermik Nakkutilliisoqarfiup peqqussuteqarnera

Beslutning

Ilisimatitsissut tusaatissatut tiguneqarpoq.

Utoqqaat Illuannut Sulineramik Nakkutilliisoqarfiup peqqussuteqarnera

Ilisimatitsissut

SagsID.: EMN-2023-03074

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ulluni 8., 9. aamma 12. juuni Sulineramik Nakkutilliisoqarfik Utoqqaat Illuannut nakkutilliartorput, tassanilu aqutsisoq, souschef, teamkoordinator, Isumannaallisaaanermi aqutsisut sulisullu apersorneqarlutik. Nakkutilliartornerup kingornatigut peqqussutigineqartut pingasut tusarniaassutigineqarput. Suliffeqarnermut Isumaginninnermullu Ingerlatsiviup tusarniaassutit akissuteqarfigai, taakkunungalu Sulineramik Nakkutilliisoqarfik aalajangiivoq peqqussutit pingasut aalajangiusimaneqassasut. Peqqussummi siullermi pineqarpoq amerlasuunik suliassaqarneq piffissamillu tatisimaneqarneq, aappaani pineqarluni najugalik sakkortuumik qisuariartartoq aammalu pingajuattut pineqarluni najugalik, sulisunut annertoorujussuarnik piumasaqaatilik.

Peqqussut siullem: Amerlasuunik suliassaqarneq piffissamillu tatisimaneqarneq Suliffeqarnermut Isumaginninnermullu Ingerlatsivik peqquneqarpoq qulakkeeqqullugu, sulineq pilersaarusiorneqassasoq, aqqissuunneqassasoq naammassineqarlunilu, taamaalilluni suliassat amerlassusiat piffissamillu tatisimaneqarneq sulisut isumannaatsuunissaannut imaluunniit peqqissusiannut piffissami qaninnermi ungasinnerusumilu ajornerulersitsissanngimmat.

Suliffeqarnermut Isumaginninnermullu Ingerlatsiviup tusarniaaannermut akissuteqaataa

Suliassat amerlassusiat piffissamillu tatisimaneqarneq pissuteqarput sulisut taarseraannerannik sulisunillu amigaateqarnermik. Suliffeqarnermut Isumaginninnermullu Ingerlatsivimmit sulisunik ilinniarsimasunik sulisussarsiornissaq atorfinitsitsinissarluni ingerlaavartumik sulisutigineqarpoq. Tamatuma saniatigut suliniutit makku aallartinneqarput:

- Sulisut ataasiakkaarlutik tarnip pissusiinik ilisimasalimmik oqaloqateqarnissaminnut imajartinnissaminnut aammalu ilaatigut annilaanganeq, isumatsanneq inuttullu ajornartorsiutit allat pillugit suliarinninnissaminnik neqeroorfigineqarput.
- Immikkut ittumik pinnittoqartarnera atorunnaareerpoq, sulisullu sulisunik amigaateqartoqartillugu sulisunik pissarsiortarneq akisussaaffiginngilaat.
- Ukiap ingerlanerani APV-mik sulisut iluarisimaarinninnerannik misissuinissamut immersuisitsisoqassaaq isumannaallisaaanermi suleqatigiissitat aqutsisullu peqatigalugit.
- Ukiamut pilersaarutigineqarpoq sulisut tarnikkut nappaatit aammalu tarnikkut anniaatit pillugit pikkorissartinneqassapput.

Peqqussutit aappaat: Najugaqartoq sakkortuumik qisuariartartoq

Peqqussutit aappaani pineqarpoq najugalik tarnikkut napparsimasoq sakkortuumik qisuariaateqartartoq, najugalinnut allanut oqaatsit annersitsinerillu atorlugit innarliisartoq.

Suliffeqarnermut Isumaginninnermullu Ingerlatsivik peqquneqarpoq sulineq isumannaallisakkamik

peqqissutsikkullu isumannaatsumik pilersaarusiorneqassasoq, aqqissuunneqarluni suliarineqarlunilu.

Suliffeqarnermut Isumaginninnermullu Ingerlatsiviup tusarniaanermut akissuteqaataa
Sulinermit Nakkutilliisoqarfiup nakkutilliartoreernerata kingornagut najugaqartoq tarnimigut nappaateqarnerminik katsorsarneqarpoq, najugallip timikkut tarnikkullu peqqissusianik isumannarunnaarsitsisumik. Qaammat ataaseq peqqissaavimmi uninngareerluni katsorsarneqareerlunilu najugaqartoq sakkortuumik qisuariatarunnaarpoq. Siunissami katsorsartittarnissaa pilersaarutaareerpoq, taamaallilluni najugaqartoq isumannarunnaarniassamat.

Iliuusissatut pilersaarusiortoqassaaq, sulisut qanoq ilillutik najugaqartoq sullittassaneraat ikiortassaneraallu pillugu. Tamatuma saniatigut sulisut najugaqartup kinguaassiuutinik atuisarnera pillugu sulinissamat pikkorissartinneqassapput.

Peqqussutit pingajuat: Najugaqartoq tarnimigut napparsimasoq sulisunut annertuunik piunasaqaateqartoq.

Peqqussutigineqartut pingajuanni pineqarpoq najugaqartoq tarnimigut napparsimasoq, sulisunut annertuunik piunasaqaateqartartoq aammalu kinguaassiuutitigut nikanarsaasutut pissusilersortartoq. Suliffeqarnermut Isumaginninnermullu Ingerlatsivik peqquneqarpoq sulineq pilersaarusiussagaa, aqqissuutissagaa suliarissagaalu, taamaasillutik najugaqartoq Y-mut qaffasissumik sulinermit misigissutsitigut piunasaqaatit sulisut isumannaallisagaanerannut peqqissusiannullu piffissami qaninnerusumi ungasinnerusumilu ajorseriassanngimmata.

Suliffeqarnermut Isumaginninnermullu Ingerlatsiviup tusarniaanermut akissuteqaataa
Suliffeqarnermut Isumaginninnermullu Ingerlatsiviup Isumaginninnermut Aqutsisoqarfik Suleqatigalugu suliffeqarfimmik, najugalik Y-mik inissaqartitsisumik eqqortumillu ilinniagalinnik sulisulimmik ujartuipput. Taamaasiussagunillu najugaqartoq Y akuersiteqqaarneqassaaq imaluunniit Isumaginninnermit suliassaqarfimmi pissaanermik atuineq pillugu Inatsisartut inatsisaat nr. 8, 20. juni 2022-meersumi § 36 naapertorlugu atorpeqarsinnaavoq.

Tamatuma saniatigut suliniutit makku aallartinneqarput:

- Isumaqtigiissutigineqarpoq, sulisut aqqutissat eqqortut atorlugit najugaqartup naammagittaalliuutai suliarisassagaat. Utoqqaat Illuanni aqqissuussaananermi takussutissat nivingatinneqarput, taamaasillutik sulisut aqqutissat eqqortut takusinnaaniassamatigut.
- Najugaqartoq iliuusissamik pilersaarusiorneqalerpoq, taamaasillutik sulisut piareersimaffiginerussammassuk, qanoq ilillutik najugaqartoq sullitissanerlugu.
- Najugaqartup kinguaassiuutitigut atuinera qanoq suliarisassanerlugu sulisut pikkorissartinneqassapput.

Ingerlariaqqinnissaq

Sulisut isumannaallisanaanermik suleqatigiissitaat sulisullu sinniisaat peqqussutit pillugit ilisimatinneqassapput.

Suliffeqarnermut Isumaginninnermullu Ingerlatsiviup kingusinnerpaamik 30. novembari 2023 (peqqussut 1) aamma 12. januaari 2024 (peqqussut 2 aamma 3) pillugit Sulinermit Nakkutilliisoqarfik ilisimatissavaa peqqussutigineqartut qanoq naammassineqarsimasut pillugu.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kalaallit Nunaanni sullivinni avatangiisit pillugit inatsisitigut nalunaarut nr. 1048, 26. oktober 2005-imeersoq
- Sullivinnik Nakkutilliisoqarfiup Nalunaarutaa nr. 395 24. juni 1986-imeersoq

Ilangussat

1. Sulinermik Nakkutilliisoqarfiup suliat amerlassusiat aammalu piffissamik tatisimaneqarneq pillugit peqqussutaa
2. Sulinermik Nakkutilliisoqarfiup najugaqartup annersitsisarneranik qunusaarisarneranillu pinaveersaartitsisoqarnissaanik peqqussutaa
3. Sulinermik Nakkutilliisoqarfiup najugaqartuq Y-p sullinnissaanut aaqqiissuteqarnissaanik peqqussutaa

Punkt 2: Ulloq unnuarlu paaqqinnittarfimmut inissiinerup allangortinneqarneranut akuersissut

Beslutning

Ilisimatitsissut tusaatissatut tiguneqarpoq.



Ulloq unnuarlu paaqqinnittarfimmut inissiinerup allangortinneqarneranut akuersissut

Ilisimatitsissut

SagsID.: EMN-2023-03369

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi §48 malillugu innuttaasup Sungiusarfik Aaqamut nissinneqarnissaa akuersissutigineqarpoq.

Ingerlatsivimmit aningaasatigut sulisoqarnikkullu naliliinerit

Inissiineq ukiumut 1.137.705 kr. koruuninik aningaasartuutaassaaq. Angerlarsimaffiup avataanut inissiineq missingersuutit iluini akilerneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataatillit

- o Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersooq

Ilanngussat

Soqanngilaq.

Punkt 3: Ingerlatsinermik nakkutilliartroneq pillugu ilisimatitsissut

Beslutning

Ilisimatitsissut tusaatissatut tiguneqarpoq.



Ingerlatsinermik nakkutilliartroneq pillugu ilisimatitsissut

Piffissami marsi 2023 - maaji 2023-mi nakkutillineq

Ilisimatitsissut

SagsID.: EMN-2023-01882

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq malillugu kommunimi najugaqarfimmi nakkutigineqartuni, najugaqatigiiffinni, utoqqaat illuini aamma utoqqaat najugaqatigiiffini, Isumaginninnermi suliassaqarfimmi nakkutilliisarneq pillugu Kommuneqarfik Sermersuumit ukiumut ingerlatsinermik nakkutillineq ingerlanneqartarpoq.

Nakkutilliinerni siunertarineqartarpoq suliffeqarfiup pitsaassusiata erseqqissarneqarnissaa nalilersorneqarnissaalu suliassat pitsaassusaat arlallit tunngavigalugit, taakkununga ilanngullugit najugallit sammisatut periarfissaat, aaqqissuussaanagerat aqutsisullu kiisalu najugaqatigiiffimmi atugassarititaasut. Pitsaassutsimut tunngasut Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersumi aalajangersarneqarput. Tamakkua saniatigut nakkutilliinerni ajornartorsiutaasut paasinianeqartarput ingerlariaqqinnissamullu pitsanngorsaattissatut periarfissanik aqutissiuussisoqartarluni. Taamaaliornikkut kommunip innuttaasunik sullissinerani pitsaassusissatut aalajangersakkat sulisullu sulinerminni atugarisaat qulakkeerneqartarput.

Piffissami 2023-mi marsimiit maajip tungaanut utoqqarnut inunnullu innarluutilinnut suliassaqarfimmi nakkutilliinermut suliarineqartunit nalunaarusiat tallimat matumani nassuiaatigineqarput. Ilanngussaq 1-imiipput nakkutilliinermut tunngatillugu suliap eqikkarnerisa ataatsimoortinneri, tassanilu nakkutilliinermut nalunaarusiani pingaarnertut inerniliinerit innersuussutillu katiterneqarneri.

Tullinnguuttuni Utoqqarnik suliassaqarfimmi aamma Inunnullu innarluutilinnut aamma Tarnimikkut nappaatilinnut immikkoortortaqarfimmi nakkutilliinerni nalinginnaasumik uteqqiattut inerniliinerillu erseqqissaatigineqarput.

Utoqqarnut suliassaqarfik - Tasiilaq

- Utoqqarnik paaqqinniffiit mikillutillu ullutsinnut naleqqutinngillat
- GetOrganizedimik atuutsitsilernissaq suli ingerlavoq
- Najugaqartut aningaasaataannik isumaginninnermi najoqqutassat atuuttut malinneqanngillat
- Najugaqartunut arlalinnut ukiumoortumik tamakkiisumik naliliisarnerit amigaataapput
- 2022-mili nakkutilliinermiit najugaqartut pillugit ullormut allattukkat amerliartorsimapput

Nakkutilliisup oqaaseqaatai innersuussutaalu tunngavigalugit utoqqarnik paaqqinniffinni utoqqarnullu najugaqatigiiffinni Utoqqarnik suliassaqarfimmi fagcheffi suleqatigalugu suliniutinik aallartitsisoqarpoq. Najugaqartut aningaasaataannik isumaginninneq, pissaanermik atuneq



aamma utoqqaat nappaataat nakorsaataallu pillugit sulisut ilinniartinneqarnissaat pingaarnerpaatut inissisimatinnearput.

Innarluutilinnut tarnikkut nappaatilinnullu Immikkoortortaqarfik - Nuuk aamma Tasiilaq

- GetOrganizedip najugaqatigiiffinni tamani atuutsinneqalernissaanut suliaq ingerlavoq
- Seernaq 4-mi aamma Tasiilami Najugaqatigiiffik Sungaartumi najugaqartut aningaasaataannik isumaginninnermi najoqqutassat atuuttut malinneqanngillat
- Ukiumoortumik killiffimmik nalunaarusianik suliaqartarnerit, najugaqartunut anguniagassanik allattuineq malitseqartitsisarnerlu ataavartumik ingerlanneqartarnissaat amigaataavoq
- 2023-mi aprilip qaammataani nakorsaait pillugit pikkorissartitsisoqarpoq
- Sulisut sullissisullu akornanni attaveqatigiinnerit allatorneqaratillu nalunaarsorneqarneq ajorput

Nakkutilliisup oqaaseqaatai innersuussutaalu tunngavigalugit najugaqatigiiffinni Innunut innarluutilinnut tarnikkut nappaatilinnullu Immikkoortortaqarfimmi Fagcheffi suleqatigalugu suliniutinik aallartitsinikuupput. GetOrganizedip atuutilersinneqarnissaa kiisalu aqutsisunik ineriartortitsineq aamma aaqqiagiinnginnermik iliuuseqarneq atoqatigiinnermullu tunngasut sulii pingaarnerpaatut inissisimatinnearput. Suliassaqarfimmi 2024-p tungaanut piginnaasatigut ineriartortitsineq eqqarsaatigalugu perorsaanikkut sulineq eqqarsaatigineqarpoq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitillit

- o Isumaginninnermik suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq
- o Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Nakkutilliilluni nalunaarusiat ataatsimut eqikkarneri
2. Seernami nakkutilliinermi nalunaarusiaq 2023
3. Aqqusinersuarmi nakkutilliinermi nalunaarusiaq 2022
4. Tasiilami Najugaqatigiiffik Sungaartumik nakkutilliinermi nalunaarusiaq 2023
5. Tasiilami Najugaqatigiiffik Qorsummik nakkutilliinermi nalunaarusiaq 2023
6. Tasiilami Utoqqarnik paaqqinniffimmi nakkutilliinermi nalunaarusiaq 2023

Punkt 4: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

Beslutning

Ilisimatitsissut tusaatissatut tiguneqarpoq.

Bilag

Juunip ulluisa 26-anni 2023-mi Utoqqaat pillugit Siunnersuisooqatigiit ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarnerit

Ulloq 26. juuni 2023-mi ataatsimiinnermit

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Utoqqaat pillugit Siunnersuisooqatigiit juunip ulluisa 26-anni 2023 ileqquusumik ataatsimiipput.

Tulliuttumi ataatsimiinnermit immikkoortut ataasiakkaat erseqqissaatigineqarput.

Suliffeqarnermut Isumaginninnermullu Ataatsimiititaq Utoqqaat pillugit Siunnersuisooqatigiinni ataatsimiittarnerit pillugit ataavartumik ilisimatinnegartarpoq, soorluttaaq Utoqqaat pillugit Siunnersuisooqatigiinnit imaqarniliat Kommuneqarfik Sermersuup nittartagaani tamanut saqqummersinneqartartut.

Utoqqaat atugarisaannik misissueqqissaarineq

2022-mi decembarip ulluisa arfernanni Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamik ataatsimeeqateqarnerminni siunnersuisooqatigiit kommunimi utoqqarnut atugassarititat atugarisaallu pillugu misissuisoqarnissaanik kissaatertik saqqummiuppaat. Siunnersuisooqatigiit siunnersuutaat ataatsimiititamit tusaatissatut tiguneqarpoq.

Utoqqaat Siunnersuisooqatigiivisa kissaatigaat pitsaassuseq aallaavigalugu misissueriaaseq atorlugu misissuisoqassasoq, tassuuna paasinarsiniassammat utoqqaat inuunermi atugaat, timikkut eqqarsartaatsikkullu peqqissusaat, aningaasaqarnerat il.il. qanoq ittuunersut. Ataatsimiinnermi utoqqaat pillugit suliassaqaarfimmi fagchefip ilinniarnertuutut ikiortimik suliarinnittussamik taakkununnгалu tunngatillugu paasissutissanik katersisussamik katersanillu suliarinnittussamik pissarsiortoqartoq ilisimatitsissutigaa.

Tassunga atatillugu Suliffeqarnermut Isumaginninnermullu Ingerlatsivimmi Stabimit Kommuneqarfik Sermersuumi utoqqaat pillugit annikitsumik misissueqqissaarisinnermit saqqummiisoqarpoq, innersuussutigalugu ulloq 14. aggusti 2023-mi ataatsimiititap ataatsimiinnerani suliassamik saqqummiussineq.

Center for Folkesundhedimit (peqqissuseq pillugu ilisimatusarfik) Kalaallit Nunaanni ernisarnermut sullissineq pillugu misissuinnermut Utoqqaat pillugit Siunnersuisooqatigiit ilanngussa

Ulloq 11. januaari 2023 Utoqqaat pillugit Siunnersuisooqatigiit Center for Folkesundhed i Grønland oqaloqatigiillutik ataatsimeeqatigaat, tassa Center for Folkesundhedip Kalaallit Nunaanni ernisarnermut sullissineq pillugu misissuinneranut atatillugu. Inuiaqatigiinni qangamiit massakkumut ernisarneq pillugu inuiaqatigiit isumaat pillugu Utoqqaat pillugit Siunnersuisooqatigiit oqaluttuarput.

Utoqqaat pillugit Siunnersuisooqatigiit ataatsimiinneranni siulittaasup taamaaliortoqarnerata kingorna utoqqarnut sinniisutut inuiaqatigiinni ernisarneq pillugu sullissisarneq pillugu ataatsimiinnermi Danmarkimi peqataanini ilisimatitsissutigaa. Ernisarneq pillugu sullissinnermi

periarfissat killiliissutaasinnaasullu pillugit assigiinngisitaartunik paasisaqarnissamut tunngatillugu utoqqaat isumaat misilittagaallu pissarsiaqarfigineqarsinnaasutut isigineqarput.

Utoqqaat Illuanni Ippiarsummilu nerisassat pitsaanerulersinneqarnerat

Utoqqaat pillugit suliasaqarfimmi fagchefip Utoqqaat illuanni Ippiarsummilu nerisassat pitsaanerulersinneqarsimanerat pillugu ilisimatitsivoq, innersuussutigalugu utoqqaat pillugit suliasaqarfimmut aningaasaliissutit atugassanngortinneqassasut pillugu aalajangiineq 8. maaji 2023-meersoq. Kingorna kommunimi utoqqarnik paaqqutarinnittarfinni allani nerisassat pitsaanerulersinneqassapput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusaq
- Utoqqaat pillugit Siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Juunip ulluisa 26-anni 2023-mi Utoqqaat pillugit Siunnersuisooqatigiit ataatsimiinnerannit imaqarniliaq

Punkt 5: Inuit innarluutillit sullinneqarnerat aamma inunnik innarluutilinnut sulisooqatigiit ataqatigiissaarisartut eqqarsaatigalugit aaqqissuussaanermik allanngortitsineq

Beslutning

Ilisimatitsissut tusaatissatut tiguneqarpoq.

Bilag

Inunnut Innarluutilinnut suliassa qarfiup aaqqissugaanera nutaaq

Inunnut innarluutilinnut aamma Tarnimikkut nappaatilinnut immikkoorto qarfiup aaqqissugaasimanera

Oqartussa qarfiup aaqqissugaasimanera (malugiuk: immikkoorto qarfiit inunnut innarluutilinnut tunngasut kisimik pineqartut ilanngunneqarmata)

Inuit innarluutillit sullinneqarnerat aamma inunnik innarluutilinnut sulisooqatigiit ataqatigiissaarisartut eqqarsaatigalugit aaqqissuussaaniemik allanngortitsineq

Ilisimatitsissut

SagsID.: EMN-2023-03114

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiineq

Suliffeqarnermut Isumaginninnermullu Ingerlatsivik ilumini inunnut innarluutilinnut suliassa qarfiup aaqqissuunneqarneranik allannguivoq. Inunnik innarluutilinnik sullissineq aamma inunnik innarluutilinnut sulisooqatigiit ataqatigiissaarisut 1. septembari 2023 aallarnerfigalugu Inunnut Innarluutilinnut Tarnimikkullu nappaatilinnut suliassa qarfimmu inissinneqarpoq, taanna siornatigut Oqartussa qarfimmu inissisimagaluarpoq.

Nutaamik aaqqissuussineq ilaatigut imatut kinguneqarpoq, suleqatigiinnut aqutsisutut atorfiit marluk atorunnaarsinneqartut (inunnut innarluutilinnut suleqatigiinni aamma inunnut innarluutilinnut ataqatigiissaarisutut) nutaamillu taakkununga immikkoortumi aqutsisoq pilersinneqarluni.

Suliffeqarnermut Isumaginninnermullu Ingerlatsiviup nalilerpaa, nutaamik aaqqissuussisoqarneratigut suliassa qarfimmu unammilligassaasut eqqarsaatigalugit pitsaannerusumik taakku aallaaveqalissasut aamma inunnut innarluutilinnut suliassa qarfiup pingaartinneqarneranut sunniuteqartumik.

Sulisut akornanni sulianik paasisimasaqarnerulerneq

- Sullissisut innuttaasunik timimikkut eqqarsartaatsimikkullu piginnaanikillisimasunik paasisimasaqarnerulissapput, innuttaasunullu neqeroorutaasunik

Suleqatigiinneq pitsaannerusoq

- Najugaqatigiiffinnut neqeroorutit aamma sullissisut akornanni suleqatigiinneq qaninnerulissaaq innuttaasullu pisariaqartitaanik tunniuttakkat naleqqussarneqarlutillu eqaannerulissapput
- Inunnik innarluutilinnik sullissisarnerup aamma inunnut innarluutilinnut suliassa qarfiup ataatsimoortinneqarnerisigut aqutsisut pitsaannerusumik ineriartornerup sumut sammitinneqarnerata aamma takorluukkanik suliassa qarfimmilu pilersaarutinik aalajangersimasunik aalajangersaanissamut naliliisinnaalissapput

Akisussaaffik aamma aningaasartuutit

- Aaqqissuussinikkut paatsooqatigiinnerit aamma immikkoortoqarfiit akornanni assigiinngitsoqaratarsinnaaneri annikillisinneqassapput suliallu ingerlanneqarnissaanut kina akisussaasuunera ersarinnerulissaaq

Tassunga atatillugu Suliffeqarnermut Isumaginninnermullu Ingerlatsiviup Inunnut innarluutilinnut aamma Tarnimikkut nappaatilinnut (VIHASO) tulleriissaarinnermut ataatsimiititaliap katitigaanera iluarsiiiffigissavaa nutaamik aaqqissuussaaneq malillugu. Tulleriissaarinnermut ataatsimiititaliamut malittarisassat nutaat Suliffeqarnermut Isumaginninnermullu Ataatsimiititamat tunniunneqassapput taakku naammassineqariapata.

Ingerlatsivimmit aningaasatigut sulisoqarnikkullu naliliinerit

Nutaamik aaqqissuussineq massakkut Suliffeqarnermut Isumaginninnermullu Ingerlatsivimmi aningaasanik atugassaasa iluani aningaasaliiffigineqarsinnaavoq. Oqartussaqaarfimmut tunngasunik immikkoortoqarfiit Inunnut Innarluutilinnut aamma tarnimikkut nappaatilinnut immikkoortoqarfimmut nuunneqassapput, kontulli politikikkut aningaasaliiffigineqartut assigiinngitsut aqqusaarnagit.

Oqartussaqaarfimmi inunnut innarluutilinnut sulisuusut Inunnut innarluutilinnut tarnimikkullu nappaatilinnut nuunneqassapput, kisianni massakkut atorfiit amerlasuut inuttaqanngimmata sulisut ikittuinnaat pineqartut.

Suliffeqaarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Inuit innarluutilit tapersorsorneqarnissaannut Inatsisartut inatsisaat nr. 13, 12. juni 2019-imeersoq
- Inuit innarluutilit tapersorsorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Isumaginninnermik suliassaqaarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq

Ilanngussat

1. Inunnut Innarluutilinnut suliassaqaarfiup aaqqissugaanera nutaaq
2. Inunnut innarluutilinnut aamma Tarnimikkut nappaatilinnut immikkoortoqarfiup aaqqissugaasimanera
3. Oqartussaqaarfiup aaqqissugaasimanera (malugiuk: immikkoortoqarfiit inunnut innarluutilinnut tunngasut kisimik pineqartut ilanngunneqarmata)

Punkt 6: Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Beslutning

Inassuteqaat akuersissutigineqarpoq.

Bilag

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqsissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

Suliffeqarnermut Isumaginninnermullu Ingerlatsivimmit naliliineq

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq

SagsID.: EMN-2023-02155

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Suliffeqarnermut Isumaginninnermullu Ataatsimiititamut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasooq
- illoqarfiit pingaarnersaat marluusut akornanni ataatsimut suliniutissatut siunnersuutit suliarineqassasut
- siunnersuutit Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuerisassanngorlugit ingerlateqqinneqassasut

Suliasamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atornerqartalissasut, erseqqissaatiginiarlugu Naalagaaffeqatigiinnermi nunat nalogiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasooq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqquusissutaa innersuussutigalugu (takuuk llanngussa 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliasaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk llanngussa 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliasaqarfimminnut tunngasunik, suliaqaqquneqarput. Siunnersuutit illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluanaanissamik tunngaveqarluni pisariaqartitsinermiit kissaateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartitsissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut Illoqarfittut ikinngutigiiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Suliffeqarnermut Isumaginninnermullu Ataatsimiititaq, 14.08.23:

Inassuteqaat akuersissutigineqarpoq imatut oqaaseqaatitalerlugu:

Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqarpoq.

Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)
3. Suliffeqarnermut Isumaginninnermullu Ingerlatsivimmit naliliineq

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.58.